

56.



DEO OPTIMO MAX.

UNI ET TRINO,
VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA

QUOD LIBETARIIS DISPUTATIONIBUS,
*manè discutienda in Scholis Medicorum, die Martis decimo-tertio
mensis Martii, Anno Domini M. DCC. LXIV.*

M. JOANNE - JACOBO BELLETESTE,

Doctore Medico & Saluberrimæ Facultatis Decano, Præside.

An in plerisque casibus, Sutura cruenta sint inutiles & noxiæ?



I.
ARIAS inter ærumnas quibus obsidentur miseri mortales, nulla frequentior vulnere. Vulnus est solutio continui recens à quâcumque causâ externâ in partibus mollibus. Duplex constitui potest vulnere species, ut potè quorum alia per instrumenta acuta, aut secantia, alia per contudentia. Differunt ratione loci; possunt etenim diversis infligi corporis partibus; ratione partis affectæ: pejora quæ visceribus præstantissimi momenti; ratione symptomatum: sunt enim boni vel mali omnis symptomata aut accidentia; boni, si nec venæ, nec arteriæ, nec nervi, nec tendines grandiores lædantur; mali, si è contrâ nempe adsint maxima contusio, hæmorrhagia, dolor, & convulsio. Contusione, humores in textu cellulari stagnant: vasâ aut elasticitate necessariâ defraudantur, aut disrupta & contracta partium vicinaram tabem, gangrænâ, sphacelumque accersunt. Hæmorrhagiâ, uberiori proventu ex vasis præcisis cum profluat sanguis, cor

stimulo suo orbatum solita munia exequi non valet; hinc torpent spiritus animales, elanguet functionum vitalium ordo, oriturque funestissima syncope. Dolore, fluida in furorem aguntur insanum, talique citatiori motu, ita dissidentur fibræ nervosæ, omnium sensationum organa, ut cruciatus acutissimos, vixque tolerabiles procreent, præsertim si in quibusdam tantum nervi fibrillis exte-
 læsio: quidquid enim in nervo integrum remanet, magis ac magis distrahitur, unde spasmi, convulsiones, deliria, quibus tota corrui animalis æconomia. Tam verò sævum malorum agmen provida & auxiliatrix parens natura compefcere nititur. Inflammationem, febrem molitur, cujus ope ad suppurationem tendunt ora vulneris, & tam admirabili beneficio explicantur fibræ antea divaricatæ, ostia vasorum occlusa & feriantia gluten regenerans fundunt, optataque producit cicatrix. Tali incessu evidenter patet in curatione vulnerum, hoc tantum efficere posse Chirurgiam à quibusdam thrasonico prorsus modo, & ad nauseam usque decantatam, ut remotis obicibus quibus præpeditur unio labiorum vulneris, illa unio, omni ope atque operâ promoveatur.

I. I.

MEDIA quibus ad approximanda vulneris ora uti solent Chirurgi, sunt situs partis læsæ, deligationes & suturæ. Sutura est operatio illa quâ in contactum immediatum vulneris ora adducuntur. Plurimæ (a) apud veteres celebrabantur suturæ quæ in desuetudinem abiêre. Apud nos ex usu sunt *Sutura Sicca* in faciei plagis, *Intorta* in ore leporino, *Pellionis* in intestinorum vulneribus, *Clavata*, seu *Pinnata* in profundis & transversis musculorum plagis, & *Refrindiva* ut liquidum in suo contineatur canali. At in genere duæ constituuntur suturarum species, nempe sutura cruenta seu vera, & sutura sicca seu notia; hæc autem improprie dicta, cum nulla sit absque cruoris effusione sutura verè dicta. Acuum & filorum ope perficitur prior, emplastrorum agglutinantium, posterior. Porro totam adimplent in plerisque casibus curationem agglutinantia emplastra, ita ut apud omnes superioris subscellii medicos sit compertum, futuras cruentas seu veras in plerisque casibus esse rejiciendas, ut potè inutiles & noxiæ.

I. I. I.

INU TILES suturæ cruentæ plerumque, si solius situs convenientis & deligationis ope, sat ad se invicem vulneris ora adducantur ut cicatricem induere valeant. Atqui res ita se habet; in plerisque enim casibus ita contineri potest pars vulnerata ut minimè dimoveatur. Ut exemplis nostra suffulciatur positio, secundum longitudinem membri supponamus vulnus inflictum; etiam si profundum, fasciæ uniens auxilio sanari potest. Faciei plagis, uniens fascia in usum cum mitti nequeat, duo agglutinantia utrique vulneris lateri imponuntur emplastra, in profundioribus plagis longiora, in levioribus breviora. In margine utriusque emplastrum adfuit funiculi pro diversâ vulneris longitudine, & emplastra hæc paulò calefacta utrinque labiis plagæ ad ferè digiti transversum distantiam apprimè glutinantur: post hæc vulneris curatè junguntur ora, cæteraque pro vulneris indicatione perficiuntur. Si profundissima & transversa tum in extremitatibus superioribus cum in inferioribus sit plaga, qui apprimè anatomiam calluerit, ita musculos disponet; ut quantum fieri poterit, laxati, in contactum abeant immediatum molesta quidem emergit ex eodem situ displicentia: non dissiteor, sed in hoc totus curationis cardo vertitur: aliundè eadem in futuris cautio observanda venit: sunt ergo non solum inutiles, sed etiam noxiæ suturæ, cum dolores irrequietos pariant. Idem sit de tendinum futuris (b) judicium. Apagè ergo Volfellas, futu-

(a) Lege prælectiones Chirurgicas, M. BERNARDI-NICOLAI BERTRAND, in hisce Scholiis traditas anno 1761.

(b) Lege: Thesim propugnatam in hisce Scholis M. LE CHAT DE LA SOURDIÈRE, Baccalaureo, M. A. GUILLE-ERANCISCO, FOUNTAINE, Præsidi, anno 1742, cujus positio, *An fuerit tendines* in Chirasthio, Non ergo fuerit tendines.

ras, Tethacula. Hæc sunt penè dicam carnisficum, non verò naturæ ministrorum & ex iis enim adaugetur inflammatio, nimium tument vulnere labia, retardatur suppuratio, sinè quâ produci nequit optima cicatrix: præterea fila sæpè sapius rumpuntur, dilacerantur vulneris ora, & quot puncta suturæ, rot vulnera vulnere adduntur: deinceps periculum est ne partes nervæ, tendinæ, vasa in celebrandis futuris lædantur, ex quâ læsione exurgunt horrendi immanesque cruciatus. Deindè vulnera confusa futuras respuunt, eò quòd detrita commolitaque partis fibræ tractionem filorum sustinere nequeant.

I V.

CHIRURGIAE armamentario suturas penitus exulare nec miens, nec animus: contrà abusus, non verò contrà medium curationis animadversio nostra. Casus quosdam oculis subjiciemus in quibus suturarum necessitas apparet, ut v. g. in labio leporino, in transversis musculorum abdominalium vulneribus, in læsione intestini prolapsi. Labrum superius ità filum à naturâ sæpè est atque curtatum ut labri leporini formam referat, undè sortitur nomen; in eodem labro duplex aliquando existit fissura. Hoc vitium naturale, aut adventitium, recens aut vetus, simplex aut complicatum; simplex, cùm adest sola solutio continui in labro; complicatum, cùm palatum simul vel ex parte vel in totum ad nares & uvulam est fissum; tunc ponè hilatum non existit dens incisivus: si vitium istud adventitium, sapius nulla adest complicatio, nisi aliquando ossium palati fissura. Quando illud incommodum est naturale ut & adventitium, aut est vetus, & cicatricata sunt solutionis ora; aut recens & complicatum, tunc nulla fieri potest deglutitio quin ingestorum maxima pars per nares rejiciatur. Morbus ille suturam evincit requirit: absque enim acuum auxilio labia vulneris propter varios oris motus distracta non coalescerent. Vulnere ampla abdomen transversim penetrantia experunt *Gastrophiam* quæ est futura ad uniendas infirmi ventris plagas idonea. Sunt duplicis speciei vulnera, aut penetrant abdominis cavum, aut non. Penetrantia dicuntur, quando Peritonæum fuit casum sicut & tegumenta & muscoli; non penetrantia, cùm solum cutis & muscoli secta fuere: in illo casu requiritur *Gastrophia*, eò quòd partes in abdominis cavo contentæ faciliè è sede dimoveantur, hernias procereant, nullaque aliâ ratione intus contineri possint, propter continuum vehementioremque septi transversi morum. Hæc arte perficitur *Gastrophia*: duas acus valdè acutas incurvatas, utroque latere secantes, duplicatum filum ceratum trahentes, præmanibus tener Chirurgus: unam ex acubus circiter ad digitum transversum à superiori plagæ commissurâ distantiam vulneris oræ immittit: celebrato ad dextrum vulneris latus futuræ puncto ad oppositum vergit, punctumque aliud eodem instituit modo. Si magnum vulnus inflictum fuerit, requiruntur quatuor suturarum puncta, quæ ut peragantur quatuor acus postulant. Transmissa fila, nodo prius, suppositis clavis sericeis, constringuntur. Sicque adherentia firmiter labia vulneris approximata, variis in motibus v. g. per tussis, sternutationem nifusque inspiratorios diduci nequeunt. Hocce artificium vulneris oræ ad se invicem adductæ efformant tumorem quemdam, quod mediante intestinorum lapsus præpeditur. Læsi continui in intestino prolapsos suturam requirit, ne fiat ulla effusio in abdominis cavum. Si vulnus levissimum, solâ diatrâ curari potest: si amplum, pellionis futura peragenda est, quæ sic absolvitur. Filum planum subtile, ceratum planæ rectæ acui inseritur; Chirurgi minister hinc inde, manu prius calefactâ, continet fauciatum intestinum, & Chirurgus circa vulneris oras ab uno ejus extremo ad aliud acum cum filo deducit in gyrum, exin utriusque fili extrema ope duorum cylindrorum versùs infimi ventris plagam graviter retinentur, ità ut intestini plaga ætissimè tegumentorum vulnerum adhaereat: tali artificio intestini prolapsi læsi in vulnere tegumentorum erit com-

prehensa, eademque cicatrix faucium intestinum vulneratis musculis alligabit (a).

V

URGENT futurarum defensores; non ita tutò continentur vulneris ora : ô præjudicatis obsecrati opinionibus homines! qui non vident, hancquam promoveresatagunt unionem, futuris plerumque magis impediri, sapiusque impossibilem evadere, Res enim fit sine incommodo, & multo tutius, si in situ idoneo membrum firmiter contineatur. Perguat ex auctoritate Auctorem desumpta : sed non juramus serviliter in verba Auctorum : rationi & experientiæ, non auctoritatibus patrociniatur. Sed difficilius fit cicatrix & per longius temporis intervallum : hoc etiam si verum, at tamen non admittendæ futuræ, quandoquidem plùs incommodi & periculi afferunt quàm brevitatis in curatione secum important. Aliundè falsa obiectio: brevius fit cicatrix propter rationes in tertio Corollario allegatas. Ut coronidem operi imponamus, notare expedit, in illis etiam casibus in quibus futurarum necessitas Herculeis ferè argumentis demonstratur, ut in labio leporino, in transversis musculorum abdominalium vulneribus, in læsione intestini prolapsi, futuras aliquando fuisse neglectas, naturamque nullo artis adminiculo partium unionem feliciter promovisse. Varia exempla memorat PIERAC, Chirurgus Parisiensis (b) quibus constat labium leporinum, rejecto futuræ apparatu faultè citrà ullam difformitatis notam sanatum fuisse. Insigne extat (c) exemplum vulneris transversim musculis rectis abdominalibus inflincti quod ope situs convenientis, curvatà scilicet dorsi spinà, reflexisque versùs pectus beneficio pulvinarium femoribus, nullo futuræ puncto abhibito, in contactum abiit. [Clarissimus (d) VANSWIETEN refert homini globo plumbeo majori vulnus inflictum fuisse in cavum abdominis penetrans, cum insigni læsione intestini Coli sic ut per bimestre spatium excrementa per vulneris hiatus exirent, tandem tamen sine ullo artis adjumento vulnus consolidatum fuisse, hominemque sanatum fuisse.] Tot observatis, tot rationum momentum contrà futurarum abusum in medium adductis in pronum concludere est.

Ergò in plerisque casibus, Suture cruentæ sunt inutiles & noxiæ.

(a) Hanc agendi normam primus excogitavit, communicavit & demonstravit in suo amphiteatro, suis Auditoribus M. ANT. PETIT, hujusce Ordinis Doctor; cui si quid recti novire in hæc Theſi, omninò tribuendum.

(b) In Actis Chirurgicis, pag. 417, Tom. III.

(c) In iisdem Actis Chirurgicis, pag. 414.

(d) VANSWIETEN, de Vulneribus abdominis, pag. 479. Edit. Paris. Tom. I.

DOMINI DOCTORES DISPUTATURI.

M. Joannes - Baptista
BASSEVILLE.

M. Edmundus Thomas MOREAU.

M. Ludovicus - Claudius
BOURDELIN, Antiquus Facul-
tatis Decanus, Regiæ Scien-
tiarum Academia, Regiæque
Societatis Berolinensis Socius.
in Horto Regio Chymia Pro-
fessor & Galliarum Principum
Medicus Primarius.

M. Simon - Antonius
BRINGAUD.

M. Joannes-Baptista THURANT.

M. Michael - Ludovicus
VERNAGE, Eques & Regius
Censor.

M. Claudius - Josephus
GENTIL, Militarium Noso-
comiorum ad Regis Exerciti-
um Medicus.

M. Ludovicus-Petrus-Felix-Rena-
tus LE THIEULLIER, Regis Con-
siliarius & in Majori Consilio,
nec non in magnâ Regiæ Domus
& Franciæ Præfectorum Medicus
ordinarius.

M. Claudius-Antonius RENARD.

Proponebat Parisiis JOANNES - BAPTISTA - ALEXANDER
MAIGRET, Parisius, Saluberrimæ Facultatis Medicinæ Parisiensis Baccalaureus, Theſeps Auctor. A. R. S. H. 1764. A SEXTA AD MERIDIEM.

Typis Viduæ QUILLAU, Universitatis & Facult. Medic. Typographi, 1764.